

**28 FEBRUARIE**  
**RUGACIUNEA**  
**SF.CUVIOS**  
**NICOLAE DE LA PSKOV**

**МОЛИТВА**

О, пречудный и дивный угодниче Христов, святыи праведный Николае блаженне! К тебе, яко молтитвеннику нашему усердному прибегаем, к тебе, яко заступнику нашему крепкому своя прошения приносим. Помози нам, Святче Божий, помози нам, тепле тебе вопием! Помози нам в наших житейских попечениях, наипаче же в нашем спасении душевнем. Ты бо, поношаемый в житии своем, можеши нас от поношений и клеветы спасти. Ты бо, обиды терпевший, можеши нас от ненавидящих и обидящих нас людей избавити. Тебе бо, дадеся от Господа Бога благодать недуги исцеляти, страсти утишати и пороки исправляти. Исцели наша болезни и немощи телесныя, уврачуй недуги наша душевныя гордостию и нерадением о своем спасении нами же наведенныя. Угаси пламень страстей и пороков наших, отдаляющих нас от любви и

правды Божией. Даруй нам дар пламенной молитвы, дар теплой любви к Богу и людям, дар милосердных дел творения. Ниспошли нам силу и ревность Божию: обидимыя защищати, скорбящия утешати, бедствующим помогати, малодушных укрепляти, за гонимых заступатися и во всех нуждах своего ближняго попечение неослабное имети. Сохрани страну нашу и всех людей ея верою и благочестием в ней живущих в мире и тишине, от вражия нападения избавленных. Заступи за град наш, твердую веру тя, яко заступника своего, имущий от тлетворных болезней, от поветрия и мора. Сохрани и храм сей, имущий святыя мощи твоя, от разорения и оскудения в нём молитвеннаго подвига верных людей. Старцем даруй укрепление в немощех их, юношам даруй в вере утверждение, младенцем благочестное воспитание, мужам и женам в добродетелех подвиг неустанный. Да видяще в тебе нашего твердаго учителя, помощника и заступника, прославим вкупе с тобою пречудное имя Святыя Троицы, Пречистую Матерь, Сына Божия и всех святых, от века Господу угодивших. Аминь.